

大方廣三戒經

上

八十五  
乃七

47533  
6



元祿九年丙子二月日重脩

皇圖聖圖 帝漸綴昌

佛日增輝 轉輪常轉

山城州天安寺法金剛院置

大方廣三戒經卷上

北涼天竺三藏曇無讖譯

乃

如是我聞一時佛住王舍城祇闍崛山而是  
 山王高峻廣博持衆雜穀猶如大地生雜種  
 華緊那羅軋闍婆衆常所遊止有種種諸衆  
 天龍夜叉羅刹毗舍遮止住其中多種雜類  
 所謂師子虎豹象馬騏驎熊羆獐鹿青牛水  
 牛羖羝獼猴是等衆獸止住其中有無量衆  
 鳥所謂孔雀鸚鵡鵠鸚鵡鴿命命鳩鳩鳧鴈鴛鴦  
 鵝鴨黑鴈山鷄鷓鴣烏鴉鳩鴿鷓鴣雀遮沙  
 如是衆鳥依止而住是諸衆生以佛力故不  
 為貪欲瞋癡所惱不相茹食共相親愛如母

如子是時山王中稠林鬱茂枝條無折多衆  
 雜樹天木樹畢利叉樹馬耳樹畢鉢羅樹緊梳加  
 樹訶梨勒樹呵摩勒樹毗醯勒樹多羅樹迦  
 尼迦樹菴婆羅樹閻浮樹木瓜蒲萄桃杏梨  
 奈婆隆伽樹胡桃安石榴鎮頭迦樹尼駒羅  
 樹松栢豫樟波奢樹熏陸栴檀沉水蘇合是  
 等諸樹無不備有是山王中水陸衆華悉皆具  
 足謂阿提目多華瞻婆華波咤羅華婆師華  
 須曼華修軋華由提迦華迦膩迦華牛棘  
 百葉曼殊沙華是等衆華遍布其地光飾山  
 王又有水華青黃赤白雜色蓮華皆悉具足  
 是山王中常於夜半興起大雲天龍微雲降

於八味細微香雨一舉牛頃此雨普潤祇闍  
崛山後夜清明無諸雲翳微風清涼悅適身  
心是山王中所住衆生及諸草木充潤光澤  
猶如華鬘以水灑之光色鮮淨遂倍增勝祇  
闍崛山生柔軟草色香味具青縹右旋衆雜  
妙色如孔雀頂其香猶如婆師羅華其觸猶  
如迦陵迦衣其地柔軟下足之時足陷四指  
舉足還復是山王中多諸池流清泠水滿生  
諸蓮華青黃赤白紅紫等色大如車輪若取  
華時香氣普熏滿一由旬是山王頂出生大  
妙蓮華之座無降伏寶青瑠璃為莖閻浮檀  
金為葉堅黑栴檀為臺馬腦寶王以為其鬘

縱廣如海百億阿脩羅王常所執持百億雜  
色寶王網以覆其上百億龍王雨妙香雨百  
億金翅鳥王口銜繒綵百億緊那羅王歡喜  
瞻察百億摩睺羅王而觀視之百億乾闥婆  
王歌詠讚歎百億天王雨末香衣服雨香華鬘  
幢幡蓋雨百億梵王在上空中合掌而侍百億  
淨居天衆合掌禮敬百億轉輪人王七寶侍從  
來至其所百億海王從大海出而敬禮之百億  
火珠寶王以爲照明百億淨福摩尼寶王以間  
錯之百億遍悅寶王爲華子寶百億光明德寶  
王以爲照明百億雜色摩尼寶王以爲照明百億  
閻浮幢寶王爲善安持百億金剛師子寶王不壞

莊嚴百億日藏寶王以雜莊嚴百億雜色不可思  
議寶王出雜種色百億如意寶王出無盡莊嚴是  
大蓮華從於如來出世善根之所出生菩薩志意  
之所護持遍現諸方從如幻法出善法業生從  
無諍法眼之所莊嚴夜如夢法生從無行起從  
無礙道來充遍滿於十方法界是佛境界功  
德所致若於無量阿僧祇劫歎其功德不可  
窮盡余時世尊於是華上結跏趺坐與大比  
丘衆八千人俱其名曰阿若憍陳如大德曷  
尸波闍大德婆賓大德摩訶男大德優陀耶  
大德耶奢大德富那大德無垢大德憍梵鉢  
提大德善臂大德優樓頻螺迦葉伽耶迦葉

那提迦葉摩訶迦葉大德迦旃延大德舍利  
弗大德大目犍連大德阿那律須菩提離波  
多富婁那弥多羅尼子優波離羅睺羅難陀  
大德阿難等如是上首八千人俱悉皆諦了如  
實之性觀察實際度於法性度諸有海行於  
如來虛空之行結縛永斷無巢窟礙行空寂  
靜永斷疑網信佛智海度到彼岸益利世間  
作不請友欲護一切所有衆生慈心不捨一  
切衆生善能演出一切佛行守護佛法誓護  
佛法善趣佛種向一切智復有菩薩摩訶薩  
八千人俱普賢菩薩文殊師利等而為上首  
無上智菩薩無上寶智菩薩無岸智菩薩華



上智菩薩日上智菩薩月上智菩薩無垢上  
智菩薩金剛智菩薩遠塵智菩薩遍說智菩  
薩光幢菩薩山幢菩薩寶幢菩薩無礙幢菩  
薩華幢菩薩淨幢菩薩日幢菩薩欲樂幢菩  
薩離垢幢菩薩遍悅幢菩薩地威德菩薩寶  
威德菩薩大威德菩薩金剛智威德菩薩無  
垢威德菩薩日威德菩薩月威德菩薩山威  
德菩薩智照威德菩薩遍威德菩薩地威德菩薩  
虛空藏菩薩蓮華藏菩薩寶藏菩薩日藏菩  
薩淨德藏菩薩法海藏菩薩遍悅藏菩薩船藏菩  
薩蓮華德藏菩薩日眼菩薩淨眼菩薩無垢眼菩  
薩無礙眼菩薩遍見眼菩薩善利智眼菩薩

金剛眼菩薩寶眼菩薩虛空眼菩薩普眼菩  
薩天冠菩薩照法界志冠菩薩道場珠冠菩  
薩悅諸方冠菩薩一切佛現在藏冠菩薩超  
一切世間冠菩薩遍悅一切冠菩薩無毀冠  
菩薩覆一切如來師子座冠菩薩照一切法  
界虛空冠菩薩龍主髻菩薩梵主髻菩薩離  
一切佛法慢髻菩薩道場髻菩薩出一切願  
海音珠髻菩薩放一切如來光場珠髻菩薩  
一切虛空無壞語寶髻菩薩諸佛神通遍照  
幢寶珠網覆髻菩薩出一切如來法論聲髻  
菩薩出一切三世名聲髻菩薩大光菩薩淨  
光菩薩寶光菩薩離垢光菩薩月光菩薩法

光菩薩寂光菩薩日光菩薩神通光菩薩天  
光菩薩德相菩薩智相菩薩法相菩薩無壞  
相菩薩光相菩薩華相菩薩珠相菩薩佛相  
菩薩梵相菩薩遍超相菩薩梵音菩薩海音  
菩薩地音菩薩世音菩薩石山音菩薩遍法  
界音菩薩出一切法海雷音菩薩摧一切魔  
場音菩薩出大悲道雷音菩薩滅一切世苦惱  
音菩薩法勇菩薩增勇菩薩智勇菩薩德山  
勇菩薩德增勇菩薩名稱勇菩薩普照勇菩  
薩大慈勇菩薩智照勇菩薩如來種性勇菩薩  
光德菩薩勝德菩薩法勇德菩薩遍悅德菩  
薩法德菩薩月德菩薩虛空德菩薩寶德菩薩

相德菩薩智德菩薩婆羅王德菩薩法主王菩薩  
世主王菩薩梵主王菩薩石山主王菩薩衆主王  
菩薩天主王菩薩寂主王菩薩不動主王菩薩化  
主王菩薩菩提勝主王菩薩寂聲菩薩無礙聲菩  
薩地聲菩薩大海聲菩薩雷聲菩薩照法聲菩  
薩虛空聲菩薩一切聲菩薩善根雷聲菩薩發  
本願聲菩薩滅一切魔場覺菩薩智山覺菩薩虛  
空覺菩薩無礙覺菩薩寤音覺菩薩照三世覺  
菩薩寶覺菩薩無畏覺菩薩遍照覺菩薩法界  
眼照覺菩薩如是等菩薩摩訶薩八千人俱悉皆  
具足普賢願行所行無礙徧諸佛刹現無量身  
悉能往至一切佛所眼界清淨所見無量悉

能現佛一切神通所緣無量一切如來有成  
佛處悉往其所無有疲倦智光普照一切法  
海無量億劫歎德叵盡樂說清淨量同虛空  
智行清淨無所依倚隨衆所樂而為現形無  
有障礙解無衆生無我等界慧如虛空如智  
光網普照一切所有法界其心畢竟寂靜無  
亂一切陀羅尼智種境界三昧無畏所作無  
礙住於法界百億眼目行一切法得無所畏  
觀無量智海禪波羅蜜到於彼岸得般若波  
羅蜜神通波羅蜜過諸世間三昧波羅蜜善  
得自在復有五百比丘尼其名曰摩訶波闍  
波提比丘尼安隱比丘尼蓮華比丘尼極苦

瞿曇彌比丘尼羅睺羅母耶輸陀羅比丘尼  
是等上首五百比丘尼俱復有五百優婆塞  
其名曰善威德優婆塞天威德優婆塞慧光  
優婆塞名稱威德優婆塞過名稱威德優婆  
塞善志優婆塞月德優婆塞月歡喜優婆塞  
大歡喜優婆塞羅睺跋陀優婆塞大賢優婆  
塞如是上首五百優婆塞復有五百優婆塞  
大光優婆塞善光優婆塞善身優婆塞可樂  
身優婆塞斯賢優婆塞斯賢德優婆塞月光優婆  
塞相光優婆塞德光優婆塞善眼優婆塞是  
等上首五百優婆塞及餘天龍夜叉乾闥波  
阿脩羅迦樓羅緊那羅摩睺羅伽等恭敬圍

繞於佛世尊。爾時世尊而演說法。名曰三戒。廣分別說一切諸佛如來境界。菩薩所行。能悉普照一切法界。明照一切諸法界。場入淨。莊嚴一切法界。摧滅一切諸外道等。降諸魔怨。普悅一切諸衆生界。能知一切諸衆生等。迷惑之心。隨衆生心。而爲演說。善能照了。轉衆生根。而爲顯示。是時大德摩訶迦葉。從座而起。整衣服。偏袒右肩。右膝著地。合掌向佛。白佛言。世尊。若諸衆生。求於佛法。力無所畏。如是等。人當集何法。當以何法護。是衆生當以何法。令不退轉。無上正道。如是請已。佛告迦葉。善哉。善哉。迦葉。汝今所問。多所安樂。安隱。世間利。

益天人乃能問佛如是之事迦葉汝今諦聽  
善思念之吾當爲汝分別解說大德迦葉及  
諸大衆受教而聽佛告迦葉若有衆生求佛  
智慧佛力無畏迦葉是等衆生於一切法應  
無所得無所依倚生諸善根迦葉若有菩薩求於  
無上正直道時若有相著或於佛法起有爲想或  
於佛法起無爲想或於佛法而起盲想自你是想  
我知佛法於是想中堅執不捨當說是人不名爲  
向於無上道何以故帝欲佛法則爲著我當作是  
修若數執我則不能斷若不能斷則有希望所希  
望處乃希望法便爲所害若爲所害便起馳騁若  
起馳騁則有流轉若已流轉則有貫穿若已貫穿



則有妄想若已妄想則有分別若已分別增益妄想若增妄想則有思覺若已思覺則有堅着若已堅着則有隨逐若有隨逐則有迷惑若已迷惑則便爲失去何爲失謂失安隱去何安隱謂無分別若起分別則便有常若已有常則有對礙若有對礙則便有住若已有住則有相續若已相續則有相違若已相違則重相違若重相違則有虛錯若已虛錯則有狂亂若已狂亂則有虛誑若已虛誑則有憂惱若已憂惱則有悔恨若已悔恨則有所害善不善法隨所愛着然實無有定法可著但以想轉爲想所縛是名想縛貪無定處瞋無

定處癡無定處起於妄想分別之心不能度  
得無上正道迦葉是名愛處何故名之爲愛  
處無有定法名之爲愛無可愛法無可愛處  
但堅著愛唯空堅著謂堅著我堅著衆生堅  
著淨不淨迦葉一切法空妄想爲物若無物  
物想則以菩提爲物若以菩提爲物則是我  
想若有我想是則不名爲菩薩也何故名之  
爲我想也雖有所想想無所得想想無所得名  
爲我想是故不真實句名爲我想若衆生實  
則菩提實云何爲菩提謂見諸法皆悉如幻  
云何如幻謂不說我想命想想衆生想想若無  
想在於心者是人則着想及非想想若着想非

想是則狂醉若已狂醉則爲一切衆苦所追若  
爲一切衆苦所追如來說名爲住狂諛何以  
爲諛住於狂亂有妄思惟若妄思惟則有我  
我所若有我我所則有言說若有言說如來  
說名爲無言說彼爲言說言說所持是故說  
言一切諸法從思惟有悉是我實迦葉猶如  
空中有雲聚起而是雲聚不從東西南北四  
維上下而來如來實說不從十方方所而來  
解知是已如實而說隨義演說相應實說而  
是雲聚則非是聚說名雲聚何故說名爲雲  
聚也起衆雜色種種雜色從虛妄起是中無  
定名爲雲霧見雲霧起雖見雲霧無有定想

是中畢竟無雲霧實迦葉猶如有人語餘人  
言相與共往至陰處坐智慧之人作如是言  
我今不往是人答言不說有我但說有陰智  
者有言汝若說陰則爲非陰迦葉汝觀是人  
於少言說尚不繫着如是迦葉若解如來法  
性道者於大衆中正師子吼迦葉如來尚歎  
於不善法行於善法若世衆生有我想者於  
如來所是第一義何以故如來解如是我想者  
則爲非想餘小凡夫不知如來隨宜所說與  
如來諍是故我說世間與我諍我不與世間  
諍云何世間世間者名曰衆生云何名為衆  
生世間如來了知世間如如是故名曰衆生

世間諸凡夫等自生是知是生是滅亦相殘  
害是彼言說欲得出世何以故此等大闇住  
着世故若住着世則便有貪若貪則瞋若瞋  
則癡若癡則有諍若諍則相違與誰相違謂  
與如來及聲聞僧若相違則貪若其有貪則  
重相違若重相違便取於有若取於有則便  
求有若已求有便不知足若不知足則便  
多作若已多作便有多欲若有多欲則住欲  
界色無色界若住三界則便執着若已執着  
則無逆流若無逆流則常受死若常受死不  
至涅槃若不至涅槃至叵至處至叵至處謂  
至地獄如是迦葉修行不吉名爲不修若不

正修則有瞋恚若有瞋恚則無推求若不推  
求則不識我想若不識我想則同一聚同爲  
一物謂我我所云何名我執着不實作種種  
妄想造作諸業若作種種妄想造作諸業則  
着於我云何我所無有智故名爲我所又是  
身者諸物和合名之爲身名戒聚果以瞋恚  
心輕於他人以瞋恚故生於我慢如聚生穀  
攝受守護是名我所若有我所則有狂惑若  
有狂惑則便有癡若已有癡便有誹謗若有  
誹謗則便有瞋若已有瞋便有貪聚則爲所  
燒爲所燒者爲想所燒所謂男想女想命想  
此是我許是名我所有我所者彼罵我所罵

我所者謂是凡夫是凡夫道之所依止是名  
我所迦葉若不聞此法知於菩提知菩薩行  
此知於行迦葉是菩薩行都無有行名菩薩  
行又迦葉菩薩行滿決定清淨極爲清淨無  
有是處若有精進斯說大法此以諸法如虛  
空聚不取法聚是人所說大法相應非不相  
應斯有功德不住惡處是有德行非是德行  
是能持法如是受持不着持法何以故如來  
所說最爲第一應供中最衆生問道我應當  
以勝法而答云何勝法所謂一切諸法無想  
迦葉如是菩薩名淨持戒心不起惡不作障  
礙不謗比丘比丘尼不親近白衣不殺不盜

不邪姪不妄語不兩舌不惡口不綺語不貪  
瞋不邪見不自惱不惱他不親近欲不貪  
於欲不毀咎不調戲不自作不教他作不至  
姪舍不至寡婦不至童女不近捕鳥網魚獵  
師不近魁膾旃陀羅人不近他妻飲酒之人  
乃至不以手執其手而共諍競如避惡狗遠  
此亦舍捨遠此時乃至不生一念惡心住於  
慈悲心捨二十事何等二十捨離女人終不  
共戲與其鹿語不共論議起於鬪諍離不恭  
敬供養父母離不恭敬佛法僧若女減少無  
二十衆不爲說法除有男子若比丘尼聚會  
說法不往其所終不問評於比丘尼不與女



人書亦不為作親族別請不受其請終不欲  
心住女人前乃至不冝共同道行若有比丘  
尼而戲弄之後不還報一切時中終不受着  
比丘尼衣除在四衆演說法時有施衣者生  
心如地然後受之不面前受一切時中若有  
比丘尼勸導施衣終不受取一切時中設令  
病苦若尼勸食終不食之况復無病一切時  
中寡婦請食若僧數不滿終不受之一切時  
中終不入於比丘尼寺一切時中亦不請喚  
於比丘尼請喚拱手仰頭棄捨背去若說法  
時有比丘尼來礼其足至心合掌目不異視  
不動其足非為身健名大丈夫若心勇健正

念一處名曰丈夫於一切物不生愛心於一切時終不生瞋常當專心於一切智聞是法已應當修學而增長之迦葉向菩薩乘善男子善女人聞法已不能修學是終不得無上正道何以故迦葉由修學故得無上道非不修學得無上道迦葉若不修學得無上道兔馬猫狸亦當得成於無上道何以故不正行者無菩提故迦葉若以音聲得阿耨多羅三藐三菩提作如是言我當作佛我當作佛而成佛者無邊衆生亦當作佛迦葉但是衆生具是行難乃至一日一夜尚不能專况復一劫乃至千劫是故如來出世甚難迦葉三千

大千世界之中一切衆生若一劫若十劫若百劫若千劫若百千劫若萬億劫皆共同聲唱一切衆生汝當作佛汝當作佛是諸人等如是不懈常作是言汝當作佛汝當作佛口業不息不能令其起菩提心若得作佛無有是處迦葉我滅度後末世之時及與汝等般涅槃後諸天不護尔時雖有聞我所說發菩提心有諸比丘發菩提心當住二十法何等二十謂當親近於比丘尼食不淨食著搏食受尼勸食迦葉猶如今時多聞比丘空閑靜處若在衆會勤修習法如是迦葉當乎尔時諸比丘等若在聚落若閑靜處與比丘尼而共

和集勤問於法當重生於婬欲之心不生法  
心是比丘尼多生欲心少生法心迦葉汝觀  
是人得菩提名當墮大惡可畏道中迦葉汝  
觀尔時詐以爲法共相親近若相見時欲火  
所燒出不淨言相親近時用爲弟子初以師  
法和南禮敬自是之後當漸遣使若遣使時  
勝達名字旣達名已私竊爲妻共道入出後  
聞他問是誰所有云何族親呼爲姊妹數數  
相見故則墮非處乎生欲心漸現欲相以言  
說之遂爲不淨行習閻羅王法失於菩提生  
天涅槃捨於如來及捨遠法亦無僧利住於  
一處生欲覺瞋覺惱覺害覺菩薩行業四淨

梵行是人無有如餘菩薩勤四梵行是人勤  
行欲瞋等覺亦復如是迦葉當乎尔時是惡  
人住有是賊住有鬪諍住迦葉尔時禁制悉  
皆毀壞聞是等經便生輕毀本所持戒本行  
檀施生於歡喜發菩提心後聞是經而毀謗  
之迦葉當乎尔時有是印相聞如是經而生  
誹謗若有淨戒持法比丘應如是知如經句  
來應當捨離如是之人以其無有愛法心故  
復次迦葉當乎尔時是諸人等自唱是言我  
行菩薩道生於狂逸以狂逸故自稱我是大  
阿羅漢我是緣覺彼不可治不可復住向於  
惡趣復次迦葉尔時無有作善業者今多衆

生毀咎菩提迦葉當乎尔時粗有形相復次  
迦葉當尔之時有一人行相似波羅蜜是爲  
後世粗有形相復次迦葉當乎尔時如是等  
經說真實者當被謗毀當見捨棄云何邪見  
說迦葉時癡人不知此經禁制破戒迦葉當  
乎尔時悉爲惡戒自不見法無惱菩提愚默  
靜思謗無菩提復次迦葉當乎是時無和合  
僧粗有形相復次迦葉當乎是時多不知恩  
勇健爲惡作何等惡數數言說稱佛名号以  
致供養復次迦葉當乎是時訶解脫戒不護  
口業不護口業故不護威儀住不淨處住不  
淨處而演說法我法是時漸當薄賤

大方廣三戒經卷上

乃

識楚禁高峻下私騏驎正作麟上音其下

角熊羆二字音雄碑並猛獸獐鹿小音章也殺

羗二字音古鸚鵡二字音鳩二字音未詳何類上

又鳩也鳩也鳧也鴈也鷓鴣也鷓鴣也鷓鴣也

雉亦作鳩雞也鷓鴣也鷓鴣也鷓鴣也

類也茹食也稠林也緊也祝也醢也

下呼葡萄也蔞也蔞也蔞也蔞也

竹嫁棘也犖牛也頊也駒也樟也駮也

一計華鬘也柔粟也青縹也青也青也

陷咸字去清泠也廣也廣也廣也廣也

下施反 **繒** 上音自 **綵** 反 帛也  
智 **繒** 反 帛也  
反 不也  
**界** 下音亦 **場** 也 界封也  
可也 **界** 反 亦也  
可也 **馳** 下音丑 **騁** 反 領也  
也 **馳** 下音丑 **騁** 反 領也  
也 **捕** 下音步 **張** 反 獵師也  
也 **捕** 下音步 **張** 反 獵師也  
**調** 反 **戲** 上音徒 **吊** 也 徒也  
**調** 反 **戲** 上音徒 **吊** 也 徒也  
團上音 **魁** 下音古 **臚** 反 訊音信  
也 **魁** 下音古 **臚** 反 訊音信  
團上音 **粗** 下音古 **略** 也 墨  
也 **粗** 下音古 **略** 也 墨  
也 **愚** 下音 **默** 也 墨  
也 **愚** 下音 **默** 也 墨  
**搏** 反 **食** 反 良  
**搏** 反 **食** 反 良  
**毀** 反 **毀** 反 良  
**毀** 反 **毀** 反 良





